



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine broj 08-02-2-1826-1/2019 od 14.05.2019. godine, na preporuku Komisije za javne nabavke od 23.10.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

ODLUKU o izboru najpovoljnijeg ponuđača

Član 1.

(Predmet odluke)

Ugovor o nabavci roba, LOT 4 – Metalni ormari za potrebe Visokog sudskog i tužilačkog vijeća Bosne i Hercegovine, dodjeljuje se ponuđaču **R&S d.o.o. Sarajevo**, za ponuđenu ukupnu vrijednost ponude od **5.075,00 KM** bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda broj 05-16-4-3588-2/2024 od 04.10.2024. godine

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u Konkurentskom zahtjevu za dostavu ponuda.

O b r a z l o ž e n j e

Postupak javne nabavke proveden je putem Konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-1-209-3-73/24 objavljeno dana 04.10.2024. godine. Primljene su ponude ponuđača R&S d.o.o. Sarajevo, Larix d.o.o., ADUT PLUS d.o.o. Banja Luka i GRADIZ d.o.o. Sarajevo.

Komisija za nabavke imenovana Rješenjem o imenovanju br. 05-16-4-4346-1/23 od 26.12.2023. godine i 05-16-4-419-2/24 od 16.09.2024. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-3588-29/24 od 23.10.2024. godine je u prilogu ove Odluke) i utvrdila sljedeće:

Kako bi ispunio uslove iz tačke 3.3.5. b) Konkurentskog zahtjeva za dostavu ponuda broj 05-16-4-3588-2/24 od 04.10.2024. godine (u daljem tekstu: Konkurentski zahtjev) ponuđač LARIX d.o.o. je dostavio Potvrdu o dobrom izvršenju ugovora o isporuci robe, broj A-5-7-7/23 od 22.05.2024. godine, koja je izdata od strane Okružnog javnog tužilaštva u Bijeljini (u daljem tekstu: Potvrda).

U dostavljenoj Potvrdi izdavalac potvrde navodi da je između njega i Larix d.o.o. zaključen Ugovor o nabavci kancelarijskog namještaja sa montažom broj A-5-7-6823 od 16.10.2024. godine, ukupne vrijednosti 243.895,85 KM bez PDV-a. U daljem sadržaju Potvrde navodi se da je ugovor u potpunosti izvršen od strane Larix d.o.o., u njegovom cjelokupnom iznosu od 243.895,85 KM bez PDV-a.

Analizom sadržaja Potvrde, Komisija za nabavke je uočila jednu nelogičnost. Naime, datum izdavanja Potvrde (22.05.2024. godine) je stariji od datuma stupanja ugovora na snagu (16.10.2024. godine).

S pretpostavkom da je riječ od tipografskoj grešci, te da je datum stupanja ugovora na snagu 16.10.2023. godine, Komisija za nabavke je izvršila uvid u javno dostupne podatke u sistemu "E-nabavke".

Izvršen je uvid u profil Okružnog javnog tužilaštva u Bijeljini, sekcija Osnovni elementi ugovora. U navedenoj sekciji je pronađen ugovor za koji je izdata Potvrda. U sistemu "E-nabavke" kao početak trajanja ugovora je naveden 16.10.2023. godine sa rokom izvršenja od tri mjeseca, tačnije do 16.01.2024. godine.

U skladu sa prethodno navedenim, Komisija za nabavke je stekla razumno uvjerenje da je dostavljena Potvrda validna i da je ugovor izvršen u ugovorenom periodu, te da je Larix d.o.o. dostavio dokaz kojim ispunjava zahtijevano iz tačke 3.3.5. b) Konkurentskog zahtjeva za dostavu ponuda. Komisija za nabavke je stala da navedena tipografska greška u Potvrdi ne utiče na prihvatljivost Ponude u tom dijelu.

Ponude ponuđača Larix d.o.o. i GRADIZ d.o.o. Sarajevo se odbacuju, jer ponuđači nisu ispunili zahtjeve iz Konkurentskog zahtjeva, a u skladu sa članom 68. stav (4) tačka i) Zakona o javnim nabavkama.

U skladu sa Tehničkom specifikacijom za LOT 4 – Metalni ormari (u daljem tekstu: TS Ormari), koja je sastavni dio Konkurentskog zahtjeva, od ponuđača je, po pitanju tehničkih karakteristika zahtijevano je:

- ormar dimenzija 1920-1950 (Visina) x 900-930 (Širina) x 400-420 (Dubina) mm;
- minimalno dva ključa;
- minimalno pet polica;
- police sa donje strane omogućavaju vješanje mapa.

Larix d.o.o. je na stranici 17. svoje Ponude, broj 131/24 od 10.10.2024. godine (u daljem tekstu: Ponuda Larix) dostavio Tehničku ponudu za LOT 4 – Metalni ormari sa specifikacijom ponuđenog modela A0920, proizvođača Metal Furniture Plus u kojoj nije navedeno:

- broj pripadajućih ključeva;
- da police sa donje strane omogućavaju vješanje mapa.

Kako bi dodatno provjerila ponuđeni proizvod, Komisija za nabavke je izvršila uvid u javno dostupne podatke na internetu, te je na zvaničnoj internet stranici proizvođača Metal Furniture Plus, izvršila uvid u katalog proizvođača i pregledala karakteristike ponuđenog modela A0920 (link: [Metal Furniture Plus | Arhivski ormari – čuvajte dokumentaciju na jednom mestu \(metalnepolice.com\)](https://www.metalnepolice.com)). U navedenom katalogu također nije navedeno da police imaju mogućnost da se sa donje strane mogu vješati mape, niti koliki broj pripadajućih ključeva ide uz ormar, osim što je navedeno da uz ormar dolaze pripadajući ključevi.

Budući da u dostavljenoj Tehničkoj ponudi i javno dostupnim podacima na internetu nije navedeno da ponuđeni model ima mogućnost da sa donje strane omogućavaju vješanje mapa, niti koliki broj ključeva, Komisija za nabavke je Ponudu Larix ocijenila neprihvatljivom jer nije u skladu sa TS Ormari.

GRADIZ d.o.o. Sarajevo je na stranici 41. svoje Ponude, broj 905/24 od 14.10.2024. godine (u daljem tekstu: Ponuda GRADIZ) dostavio Tehničku ponudu za LOT 4 – Metalni ormari sa specifikacijom ponuđenog modela Arhivski ormar, proizvođača Cem San. U Tehničkoj ponudi, u dijelu opisa i specifikacija ponuđene robe, je mavedeno da je ponuđeni ormar dimenzija 198x98x42 cm.

Ponuda GRADIZ je neprihvatljiva jer nije u skladu sa TS Ormari iz razloga što su visina i širina ponuđenog ormara veće od raspona dimenzija navedenih u TS Ormari.

Uzimajući u obzir prethodno navedeno, Komisija za nabavke ocjenjuje da su ponude ponuđača Larix d.o.o. i GRADIZ d.o.o. Sarajevo neprihvatljive, budući da ponuđeni modeli, ne zadovoljavaju minimalne zahtjeve tražene Konkurentskim zahtjevom, odnosno TS Ormari.

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije ("Sl. glasnik BiH", broj 80/23). Ponuđači R&S d.o.o. Sarajevo i ADUT PLUS d.o.o. Banja Luka su kvalifikovani učesnici u postupku e-aukcije.

Nakon provedenog postupka e-aukcije, prvorangirani ponuđač je R&S d.o.o. Sarajevo, čija ponuda zadovoljava sve uslove iz Konkurentskog zahtjeva i u okviru je budžeta planiranog za predmetnu nabavku. Izvještaj o provedenoj e-aukciji, broj 05-16-4-3588-24/24 od 21.10.2024. godine, je u prilogu Zapisnika o pregledu i ocjeni ponuda i izvještaju o radu Komisije i sastavni je dio istog.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **R&S d.o.o. Sarajevo**.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-3588-33/24

Datum: 24.10.2024. godine

Direktor Sekretarijata
MP
Admir Suljagić



Dostavljeno:

- Ponuđačima,
- Odjelu za finansije i računovodstvo,
- a/a.